

Nr.regj. 30764/12

GJYKATA THEMELORE PRISHTINË- DEPARTAMENTI I PERGJITHSHËM/ DIVIZIONI KUNDËRVAJTËS, me gjyqtaren Vjollca Limani, në procedurën kundërvajtëse të zhvilluar kundër të pandehurit Ejup Hashani, nga Obiliqi, për veprën kundërvajtëse të paraparë në nenin 8 lidhur me nenin 5.1 dhe 6.2 të ndëshkuar me nenin 17.1 të Ligjit për Deklarimin, Prejardhjen dhe Kontrollin e Pasurisë së Zyrtarëve të Lartë Publik nr.03/L-150, e në mbështetje të neneve 7, 73, 195, 199, 217.2 dhe 227 të Ligjit mbi Kundërvajtje, me datë 19.08.2013, merr këtë:

AKTVENDIM

I SHFUQIZOHET aktvendimi i atakuar i kësaj Gjykate me nr.regj. 30764/12 , i datës 24.09.2012, konform nenit 217.2 dhe 227 të Ligjit mbi Kundërvajtjet.

II I PANDEHURI, Ejup Hashani, i lindur me 17.03.1955, në Obiliq, ku dhe tani jeton rr. "Daut Hashani", i martuar baba i 3 fëmijëve, ekonomist, i gjendjes së mesme ekonomike, deri tani i padënuar,

ËSHTË PËRGJEGJËS

Sepse si Zyrtar i Lartë Publik, në pozitën Kryesues i Bordit të Drejtorëve në Kompaninë e Ujësjetës Rajonal Prishtina, nuk ka bërë deklarinë e rregullt të pasurisë në Agjencionin Kundër Korrupsionit, në afatin ligjor deri me dt.31.03.2012,

-me këtë veprim i pandehuri ka kryer veprën kundërvajtëse të paraparë në neni 8 lidhur me nenin 5.1 dhe 6.2 të ndëshkuar me nenin 17.1 të Ligjit për Deklarimin, Prejardhjen dhe Kontrollin e Pasurisë së Zyrtarëve të Lartë Publik nr.03/L-150, dhe për këtë i jepet:

QORTIM

Shpenzime të procedurës nuk ka pasur.

Aktvendimi i dërgohet te pandehurit dhe parashtruesit të kërkesës.

Arsyetim


Agjencia Kundër Korrupsionit në Prishtinë, parashtrroi kërkesën me nr.01-2494/12 të dt.13.07.2012 për fillimin e procedurës kundërvajtëse kundër të pandehurit për kundërvajtjen si më lartë.

Gjykata Themelore Divizioni për Kundërvajtje në Prishtinë sipas kësaj kërkesë ka marrë aktvendim dhe ka shpallë përgjegjës të pandehurin duke e dënuar me gjobë në shumë prej 1 000 euro, për kundërvajtjen që i ngarkohet.

I pandehuri Ejup Hashani brenda afatit ligjor ka parashtruar ankesë kundër këtij aktvendimi me nr.30764/12 datë 24.09.2012.

Kolegji i Gjykatës së Apelit në Prishtinë ankesën e ka pranuar si të bazuar dhe ka abroguar aktvendimin me nr. 30764/12 të dt.24.09.2012, pasi konstatuar se janë bërë shkelje esenciale të dispozitave të procedurës kundërvajtëse si dhe nuk është vërtetuar drejt gjendja faktike, dhe për këtë ka kërkuar që çështja të kthehet në rigjykim, duke kërkuar që të mirret në pyetje i pandehuri, i cili duhet të prezentoj në origjinal certifikatën e vdekjes së nënës siç edhe ka theksuar i pandehuri në ankesë, po ashtu të mirret në pyetje parashtruesi i kërkesës si dhe sipas nevojës të administrohen edhe provat e tjera.

Në bazë të kësaj kërkesë ka vepruar Gjykata Themelore-Divizioni për Kundërvajtje ku: është marrë në pyetje i pandehuri i cili në mbrojtjen e tij deklaroi arsyeja e vonesës së deklarinë të pasurisë ka ndodhur për shkak të vdekjes së nënës, e cila ka ndërruar jetë me datën 23.03.2012, dhe atë për shkak të ritualit të pamjes në kohëzgjatje prej 5 ditësh. Shton se dita e 31, si ditë e fundit për deklarinë e pasurisë ka qenë vikend-ditë e shtunde, kështu që menjëherë të hënë ditën e parë të punës jam paraqitur në AKK për të siguruar formularin për deklarinë të pasurisë, të njëjtin pasi e kam plotësuar dhe pasi kam siguruar prova të tjera të nevojshme, të nesërmen e kam dorëzuar. Po ashtu këtë Institucion, përmes emailit me dt. 06.04.2012, e kam njoftuar dhe i kam sqaruar arsyet e vonesës së deklarinë të pasurisë, mirpo të njëjtit si duket nuk e kanë marrë për bazë këtë dhe kanë inicuar kërkesën për iniciimin e procedurës kundërvajtëse. I paraqet gjykatës si si prove në original certifikatën e vdekjes së nënës.



Korrupsion nuk ka pasur njohuri për arsyet e vonesës së këtij zyrtari, prandaj edhe vonesa e tij është cilësuar si kundërvajtje dhe ndaj tij është inicuar Procedura Kundërvajtëse.

Gjykata i fali besimin deklaratës së ta pandehurit pasi që ajo përputhej në tërësi me: çertifikatën e vdekjes së nënës së tij, nga vërtetohet data e vdekjes së saj, si dhe kalendarin vjetor të vitit 2012, që vërteton se data 31.03.2012 ka qenë ditë e shtunë e që nënkupton se ky obligim i kësaj dite bartet në ditën e pasme të punës pas kësaj, që do të thotë me dt.02.04.2012, andaj gjykata duke i pasur parasysh gjitha këto si dhe provat e tjera të administruara gjatë procedurës, në masë të mjaftuar ka vërtetuar se i pandehuri ka kryer kundërvajtjen që i vihet në barrë, duke u vonuar në deklaram të pasurisë për një ditë, prandaj duke pasur parasysh rrethanat dhe mungesën e pasojës së shkaktuar si rezultat i vonesës një ditëshe, konform nenit 10 të LMK, vendosi si në dispozitivë të këtij aktvendimi.

Me rastin e shqiptimit të dënimit, gjyqtarja mori për bazë të gjitha rrethanat relevante për caktimin e dënimit, peshën e veprës së kryer, shkallën e përgjegjësisë së të pandehurit duke qenë e bindur se me një ndëshkim të tillë mund të arrihet efekti/qëllimi i dënimit.

KËSHILLA JURIDIKE: Kundër këtij aktvendimi mund të ushtrohet Ankesë, Gjykates se Apelit- Divizionit per Kundervajtje , brenda 8 ditësh pas marrjes se të njëjtit përmes kësaj Gjykate dhe pa taksa.

